



踏
海
集

四

三
七

服部文庫
417
2096
2



117
2096
2

踏海集卷之四



攝津服元雄仲英 著

東都井周愛士春輯校

七言律

寄題懷僊閣

城東仙閣倚氤氳，玉樹金莖對檻分。
幾歲滄洲能駕鶴，千秋紫氣自知君。
日懸霄漢迴雙闕，夜敞星辰拂五雲。
此太帝居纔咫尺，鳳簫時向月中聞。

養鶴

憶爾曾同雲侶班，層霄今日杳難攀。
九臯元自傳聲

遠尺水猶看弄影，閑斂翼，黃昏悲獨處。離栖珠樹望
仙山，不知馴養階庭下。孰與迴翔湖海間。

九日送別

去矣天涯旅服單，嚴霜此日下江干。已含千里河梁
恨，無奈雙鳧南北看。渤海秋陰迷別路，關山木葉促
歸鞍。黃花更送重陽色，短髮臨風帽自寒。

贈華玉

苦憶山陽一酒卮，醉中青眼舊相知。謾言雄劍終難
合，更問明珠投向誰。書就豈應同叔夜，夜調高元自少
鍾期。近來交態何踈索，還使吾曹命駕遲。

鹿洲觀海

海氣蒼茫駭水中，扶桑極目對長風。東南忽盡蜻蜒
國，日月遙含碣石宮。怒浪衝天雷勢激，崩雲觸岸雪
華空。壯觀都入玄虛賦，萬古誰能得競雄。

送人歸隱兒道

皇城近指白雲隈，一壑東南去不回。帝子風塵悲異
代，鳳凰今古有荒臺。許瓢好向清川汲，禹鑿遙通淡
海來。秋冷薜蘿堪授服，更知靈媛待君裁。

和某公月夜登省中樓之作

千門宿衛五雲邊，劍佩聲收轉肅然。夜冷明光閑對

月樓高咫尺欲窺天紫宮晴傍龍顏敞玉露秋臨仙
掌懸起草由來誰得比彩毫新擬謝莊篇

送久世君使監荒河之役

關中列郡日相望已報輶車發建章河勢忽隨龍節
轉地形遙接鳳城長漢庭合命黃金賜禹跡巡功画
省郎見說桃花春水穩自應佳氣滿宣防

春日宴某侯墨水莊二首

清江流水繞橫塘宴賞疑遊金谷莊北渚烟侵芳草
暖東園花對綺筵香捲簾柳絮春如雪勸客醪醑酒
滿觴別有池亭通画舸醉歌更入採菱長

柳

莫道良辰嘉會難使君春興滿杯盤即看琴瑟逢多
暇况復風光促罄歡水閣含晴連繡幕江帆送色入
朱欄但緣歌吹能留客落日花間宴未闌

中秋獨酌

江天搖落武昌東病起登樓思不窮明月故山寒桂
樹清砧今夜送秋風浮雲忽向鴻邊盡濁酒誰應客
裡同強自把杯難作醉蕭條回首歎飄蓬

飲馬長城窟

秦皇當日築長城城外窟寒流水清胡地健兒常飲
馬漢家飛將復提兵關門夜掛烽烟色幕府秋高戰

出山集 卷之四 二二
伐名鐵騎如雲齊，攬轡遙知漠北作橫行。

九日遊山寺

雲裡蓮宮少客攀，何妨獨往到廬山。重陽把菊祇園下，落日登臺兜率間。初地歲華啼鳥弄，雙峰秋色老僧閑。陶家濁酒誰相送，散髮逃禪晚未還。

送人歸隱西京嵯峨

十歲風塵客跡深，天涯興盡一抽簪。歸來賣藥長安裡，老去逃名洞壑陰。落日嵐山當隱几，清秋桂水入鳴琴。知音唯有相思夢，遙夜直乘明月尋。

送原生歸海西

匹馬翩翩氣壯哉，行裝六月海西回。即知君有凌霄翮，此去誰同避暑杯。玉筍過關東道險，華城解纜大江開。布帆無恙時相憶，到日緘書莫惜裁。

早春寄懷友人客居總北二首

遲日登樓憶所親，晴光千里一傷神。已聽黃鳥鳴幽谷，且見新梅媚上春。燕趙論交曾結客，風塵避跡遠依人。只今誰得知名姓，正好投竿東海濱。

清江一望晚悠悠，總北風光入客愁。落日書來鴻雁渚，芳樽春滿鳳凰樓。謾思朋好含杯興，無那龍鍾仗劍遊。借問萍蹤何所似，淼茫滄海有扁舟。

送慈麟禪師歸加州大乘寺

大乘名利倚空山，開士金輪向北還。已見摩尼光自
動，遙知蘭若境偏閑。孤雲縹緲江湖外，客路崎嶇信
越間。更憶龍華三會地，勝因能得幾時攀。

九日霞關集送新帥公奉使浪華

漢庭仙使自輕肥，此日乘驄授客衣。祖席香醪堪盡
醉，龍山嘉會豈應違。貔貅宿衛元稱帥，驛路風霜凜
有威。見說金城千里固，長臨西海輔京畿。

歲杪送安達道士歸故山玉泉觀二首

小角仙人不可從，名山河處寄高蹤。天涯送別歲云

暮洞裡歸來，雪滿峰。夜欲架橋堪使鬼，朝看乘杖化
為龍。聞君更受神符去，石室深藏好自封。

都門分手朔雲生，君去偏如飛鳥輕。一向吾曹聊玩
世，豈期仙客此同盟。但言五嶽遊將遍，復見千秋業
已成。歸與故山誰共好，臨溪獨挹玉泉清。

聽潮館集得六魚

使君亭館上頭居，多暇開筵興有餘。苑後江湖傳響
處，樽前春鳥弄晴初。把杯階樹花齊發，勸客盤飧玉
不如。但為滄洲接朱邸，風流能自混樵漁。

送菅長卿之西京謁北野廟

關中河嶽此西征賦就應憐今古情遙見彩雲通紫
極更知祖廟鎮皇城祠壇五夜窺精爽俎豆千秋自
肅清始信文章有神助君家博士世傳名

秋日送松叔豹歸省北越

負笈諸生越徼回都門祖送暫徘徊三秋陟岵白雲
起千里思家落木催北陸河山驚邈矣西風湖海入
悲哉行人安穩無窮路到日斑衣好爲裁

妾薄命

良家兒女漢宮粧錦帳繡成雙鳳凰征馬北風嘶澣
海昭君中夜侍戎王玉門關外秋鴻度白草城邊孤

按衣當作裳

月光相顧誰憐妾薄命空令紅淚濕羅衣

春晴集金井侯池館

滿園佳氣鳳城東太守開樽酒不空北海尋常堪醉
客蘭臺百尺倚雄風簾前流水春彌綠花外晴霞晚
更紅總是高陽池上侶共憐嘉會興無窮

過谷君長墨水舊居

負郭田園一草堂主人安在白雲鄉琴書已矣塵空
掩門巷蕭然跡就荒暮笛他時思叔夜秋風落日滿
山陽招魂更上長堤望墨水悠悠淚濕裳

永代橋望西山晴雪

百尺龍橋望不窮，三峰積雪掛遙空。寒光日射帆檣外，秀色晴浮滄海東。影滿鳳城雲自散，氣擎仙掌曉初通。天邊極目飛揚甚，奮翮將朝白帝宮。

送福子幹之濃州巖邑

十歲窮愁書已成，黃金新賜趙虞卿。侯家寵遇堪虛左，藝苑風流舊擅名。路入岐岨臨九折，山連巖邑擁孤城。此行何更辭艱險，好答夷門執轡情。

送德田氏遊宦京師

將向京華候紫垣，百年微祿豈容論。周官舊著朝廷籍，漢省纔分雨露恩。歲祭山川天使下，時看玉帛有

司存。但言王事偏多暇，正好常遊丞相門。

奉和金井侯謁陵之作

先朝陵寢翠微間，隨例群公伏謁還。覺捧鳳翔開玉殿，地含龍勢擁青山。千秋不盡風雲氣，此日猶看鷓鷯班。依舊歲寒松柏色，高標元自少人攀。

金井侯新樓宴集時值至日

高樓新倚彩雲隈，此日青霄獻履回。猶見逢迎遺綬冕，更移琴瑟共徘徊。氣連金闕憑軒望，暖擁華筵入酒來。百尺構成須自愛，非君誰是棟梁才。

賦得夢美人彈箏

洞房春夢夜紛紛，帳裡鳴箏過楚雲。
坐覺餘音歸縹緲，暗含清怨倚氤氳。
停絃顧盼心將語，背燭徘徊影自分。
彷彿曲終欹枕處，五更風雨不堪聞。

子徵子良將歸張海，余時有弟喪。

鵲鴿原上倚黃昏，握手踟躕草露繁。
駒隙百年丘隴駐，雁行四海爾曹存。
歸歟將共江湖興，逝矣難招冥漠魂。
何事死生同作別，衰顏獨自掩啼痕。

早秋奉送山縣侯歸封金井城。

玉帛朝辭帝鑑宮，使君行色倚驂驄。
山川漸轉雙幡外，驛路遙連千騎東。
關入白河秋已動，城稱金井鎮

偏雄，憑高且眺封疆大，製錦應緣彩筆工。

送新井田氏歸松前。

歸程萬里入遙空，客有揚鞭逐塞鴻。
邊郡更過南部大，蕃城高倚北溟雄。
蝦夷國擁窮荒地，山海經傳異俗風。
鄉黨且期蒙汝化，他時不讓蜀文翁。

子昌村居。

野徑斜通竹樹陰，相携村興入幽襟。
即看沮溺爲隣住，且愛田園繞屋深。
地靜鳴鳩催懶睡，籬疎流水送清音。
莫言城遠無供給，濁酒堪酬避世心。

士寧華玉約與余泛舟，墨水詩以促之。

苦思把酒上仙舟，潦倒將隨李郭遊。
錦纜風清堪避暑，金樽月出忽生秋。
江流自傍披襟動，夜色遙連吹笛浮。
此興人間難可得，期君携手向滄洲。

友人宅守歲

相逢樽酒故人廬，四壁風霜滿歲除。
五夜更看星斗轉，百年無那鬢毛疎。
唯應醉態酬知己，何用窮愁問著書。
共道吾曹携手好，陽春明日遍樵漁。

七月七日烏羽侯新就國作此奉送

玉露金莖漢闕頭，星河遙送旆旌流。
好憑熊軾臨藩鎮，不比仙槎犯斗牛。
十五國風東海道，芙蓉嶽色白

雲秋封疆民庶爭，迎拜到處謳歌擁紫騮。

九日聽潮閣宴集分韻豪字

聽潮閣上此登高，開宴黃花泛酒醪。
但怪雲霄纔咫尺，那思冠冕對吾曹。
含杯澤國連搖落，倚檻秋晴靜海濤。
佳節龍山何限興，詩成滿坐不停毫。

寄題日出侯望海樓

海上朝開日出光，城樓高擁對扶桑。
坐來登眺山河固，占得封疆歲月長。
萬里潮生連睥睨，九州天盡入蒼茫。
鯨波不起西溟靜，正好絃歌醉玉觴。

江村客夜

江村投宿不成眠，撫枕歸心夜杳然。楚塞寒鴻空自度，長沙遷客有誰憐。潮回石岸灘聲激，雨暗蘆洲燈影懸。坐覺孤身無處寄，故園千里隔風烟。

醉美人

宮殿沈沈藹日華，美人春醉駐紅霞。但思仙掌分清露，懶画娥眉侍大家。玉柱謾移朱瑟調，金釵猶護綠雲斜。下階羅襪從將解，數步還迷內苑花。

携家重遊函谷二首

十年猶記舊山川，回首重窺函谷天。舉室相携巖窟下，投居高倚岫雲邊。長安幾日過關去，蜀道千盤擁

樹懸裘褐未酬，俱隱志。五噫深愧伯鸞賢。

玉笥峰陰東澤隈，烟霞無恙再徘徊。唯憐痼疾終爲性，更喜溫泉堪洗埃。灌木連雲山勢合，懸流穿石雨聲來。應須晚膳供薇蕨，僮僕時隨樵者回。

懸厓百尺此登樓，滿眼山光入昔遊。幽壑響傳仙嘯落，連屏翠傍客顏浮。林深白日松杉冷，窟暗玄雲虎豹愁。耕織我曹生事足，他時將著鹿皮裘。

贈烟波釣叟

白髮乾坤一釣槎，老來湖海未爲家。西江夜月滄浪曲，北渚秋風蘆荻花。何用卧高依帝座，但憐機息靜

鷗沙片心不繫人間世鼓柁烟波跡自遐

墨梅

見說神人冰雪姿天真無恙影參差且懸夜月朦朧
色不辨春風南北枝獨處但應誇綽約仙粧何用倚
臙脂氤氳坐怪寒香動正是羅浮夢斷時

題留侯圖

千歲留神孺子顏温然圯上受書還祖龍畏影雷霆
激韜晦收威天地閑三寸每談王者側指揮寧事馬
蹄間俱成漢業蕭韓輩避穀終慵列此班

諸君集子綽宅余病負約賦贈

詞客同傳春酒觴新年醉興滿高陽共誇文運歸吾
黨轉見才名自雁行彩筆如林花綺麗青霄奮翮日
飛揚獨憐蒲柳蕭條色孤負風光倚草堂

和鳴歸德獻歲之作

玉漏傳籌漢殿開詞臣鳴佩入班來先朝寵遇勒
銘選西苑風流托乘才仙掌曉懸雙闕外主恩春發
五雲隈錦袍拜賜歌新曲坐覺丹墀暖自回

贈仲明

故人隣並靜茅茨謝客棲遲赤水涯非有拂衣辭斗
米還能緩帶避驅馳歲年戶牖常深閉咫尺園庭亦

不窺但道病軀耽典籍此生何用竟相知

旭辨師歸勢純貞師歸張作此贈別

雲遊幾歲共江湖故國爲隣跡不孤但道蓮華歸各
社更知滄海掛雙珠牛車日轉關山遠客館秋清月
露殊見說光明堪並照津梁到處是吾徒

九日奉贈金井侯

散髮疎慵孟萬年蓬蒿脫帽擁愁眠欲將酣暢酬佳
節那得風流接盛筵數畝菊花侯苑色無邊秋雨鳳
城天不妨絲竹登高興百尺樓臺紫陌前

十日新晴悟賞館集得一先

黃花駐色苑牆邊爽氣纔闋積雨天鳳闕新晴連邨
第龍山餘興共周旋三秋搖落含杯外十日交歡拄
笏前悟賞由來存目擊此心將向醉中傳

歲杪田仲山客遊京師作此寄懷

羨爾西征賦已傳神州佳麗滿山川足看周邵爲風
首始信長安近日邊遊子歲寒思遠道斷鴻湖海望
遙天窮陰坐促離群恨更恐東歸或隔年

元日贈早朝諸公

鷄鳴幾處促朝裝車騎憑陵陌上霜非有衣冠纔辨
色那知鷓鴣已成行千官隨例三元典玉樹高擎金

闕光晏起野人開戶牖負暄先自試初陽

江允清歸北越別後無音問遙有此寄

都門憶昨送將歸一別蒼茫尺素稀塞北雲陰仍雨
雪江東風色已芳菲但言鴻雁關心切坐覺居諸轉
眼非知爾放歌春自好十年無恙故山薇

望富嶽

海上神山歷岱宗大東擎出玉芙蓉削成萬仞雲霄
傲仰止千秋氣色重足鎮扶桑初日國長誇諸嶽丈
人峰帝王七十空今古借問誰能向此封

少林院同送秋玉山野伯脩二子歸西肥

得今字

把酒嚶鳴集少林離筵解道鳥驚心那堪路上驪駒
唱且倚庭前柏樹陰落日關山連海氣諸天樓閣送
潮音同乘一葦歸西土李郭風流自古今

送島子行并引

大坂留臺爲誰卽子行所仕井上侯也子行業
醫常以豪爽自喜從侯而西夫大坂四方輻湊
之地繁華富饒天下無比余也攝人其謠俗風
尚固既悉之則知其間必有適乎子行之意者
矣賦贈數言以代三疊云

留臺行色動雙旌，爾去西從千里程。
重鎮金湯因霸跡，上游東北受皇京。
只今富厚歸藜庶，當日風塵用甲兵。
此地豪華稱俠窟，何人更得比君卿。

秋初過肥藩米大夫邸舍同用灰韻

休論林下共徘徊，邸舍相逢青眼開。
誰比大夫工作賦，且容狂客此含杯。
捲簾南陌炎塵遠，拄笏西山爽氣來。
坐久玄言消白日，從他文簿更成堆。

古戰場

割據山川逐鹿年，三軍金鼓此周旋。
野蒿埋沒連營地，沙岸縈迴飲馬泉。
暮雨荒丘迷鬼哭，秋霜枯骨有

誰憐廢興今日俱，陳跡悵望空裁弔古篇。

九日米大夫席上作

鳳城秋樹五雲間，極目登樓晚未還。
且泛黃花頻把酒，高臨紫陌此開顏。
大夫寧負重陽興，坐客同偷半日閑。
自是留歡催賦色，風流何羨醉龍山。

金井侯有伉儷之感詩以奉慰

三秋金屋夢難成，翠幄愁窺孤月傾。
幾歲粢盛同奉祀，一朝琴瑟寂無聲。
階庭尚駐芝蘭色，配匹空傳秦晉名。
莫向高唐催作賦，楚天搖落不勝情。

奉贈大僧正定月尊者移住增上寺

淨業真源白社宗三千龍象此相從新開上界金蓮
座並對西天華頂峰陵寢近連香閣起鬱葱無盡
彩雲封豈惟四衆齊瞻仰幾歲祇園有偃松

冬初同集子昌田莊滕子宥當直不至

田間秋盡日蕭疎一路風霜落木餘魏闕青雲違我
輦幽歌濁酒此躊躇共忘帝力遊真境熟與郎官倚
直廬尚有西山堪送爽那無拄笏憶樵漁

僧房守歲

寒更閑對虎溪僧蓮漏沈沈響欲凝交臂爾時驚代
謝履霜今夜此憑陵唯憐老樹添經臘且照空堂無

盡燈不管明朝新歲至禪心依舊玉壺冰

人日贈井君祥并引

逖矣西肥君祥之業在陟彼岵兮是日也太公
八十壽辰鄉黨宗族稱觴一堂上於彼則僚友
蓋簪詩酒相將遙上其壽亦於此而君祥一喜
可知矣所以有此贈

看君裘馬宦遊年上國風光春可憐柏葉猶開人日
酒烟霞纔媚鳳城天但言家在西溟住更望星當南
極懸好擬萊衣成五色新花遙入綵毫傳

早春葛陂舟行寄友人

興來寧擬剡溪人，短棹延緣問水濱。
地轉葛陂迷近遠，冰開葦岸入陽春。
滄浪色傍輕鷗靜，紫塞晴迎歸雁。
新寄語繁華都邑子，休將裘馬度紅塵。

五日鸞嘯閣雨集得侵韻

侯臺嘉會簇華簪，雲霧天邊對檻深。
非但絲絲迎午節，堪將麗句入鸞音。
醉顏同奪榴花色，積雨遙迷城闕陰。
詞客侍筵今日興，更無人擬楚臣吟。

白賁亭成小集得時字

西郊新築愜幽期，客至開窗野鳥窺。
豈擬丘園迎束帛，纔看竹樹繞疎籬。
村醪興熟傳杯處，世事心閑岸

幘時自愛清虛容，膝室好將生白賁。
茅茨

夏日新晴奉陪熊本侯遊少林精舍得孤字

君侯多暇此踟躕，鐘梵聲清境自殊。
坐覺薰風生寶界，且憐甘露灑冰壺。
梅檀樹密香臺起，兜率雲開白日孤。
共道追隨恩不淺，偏令我輩避塵衢。

表海樓避暑雷雨奄至同用陽韻

百尺樓臺望淼茫，追隨六月此飛觴。
壯遊寧與袁紹比，豪氣高臨淮海揚。
座近雲霄雷起響，筵開錦綺電
灑光。炎塵洗卻傾盆雨，忽使人間蘇晚涼。

早秋贈別邊伯錦病起歸省洛陽

卧病頻年滯宦遊，那堪偏遺老親憂。
起來鞍馬臨歸路，行見關山入早秋。
蒼海曉懸孤月渺，白雲天擁帝城浮。
高堂應計趨庭日，莫擬河梁携手留。

奉送守山侯之常陽上瑞龍山先隴便道

浴磯濱溫泉

宗藩本府殿，常州寵命殊。
容展舊丘，熊軾暫辭青瑣闕。
龍山行望白雲秋，千年血食堪追遠。
幾世精靈此可求，更想將歸遵海岸。
應逢仙液與潮流。

秋日墨水泛舟

西風朝遡墨河流，極目蒼茫總北秋。
岸轉迴看城闕遠，天開不盡水烟浮。
長堤木落留孤塚，古渡潮通劃二州。
沙鳥近人無意起，停撓且問王孫遊。

春日送海雲上人從騰海老師之能州總

持寺

知君衣鉢奉師年，心印由來誰得傳。
但道能州通北陸，同尋祇苑向西天。
青春駘蕩登臺外，紫塞山河拄杖前。
真諦縱非關藻飾，行收色相入雄篇。

山齋早春

一草堂成足隱淪，推窗試見歲華新。
朝陽自散烟霞

色雪水纔通澗壑春醉裡寧開雙白眼與來閑戴小
烏巾且憐幽鳥知機息啼報芳辰不避人

肥藩米大夫有書寄此以荅

歸鴻南北尺書來紫海春風思渺哉一自東都誇賦
筆深知大國有卿材懷入夜月遙天敵屈指寒溫短
髮催千里只今難命駕索居愁絕獨登臺

擬李于鱗署中有憶江南梅花者因以爲

賦

薊北春風漢署前梅花何處報新年一枝送色西山
雪千里關心南國天笛裡還驚孤月落隴頭空望尺

書傳美人不見羅浮曉客有含香夢寐懸

擬王元美宿香山寺

蓮宮半掩岫雲懸投宿幽襟對老禪境淨毫光闕耿
月山空梵響雜鳴泉修心夜磬猿啼定問法秋燈螢
影傳坐覺此生玄路近桂花香冷落諸天

擬梁公實姑蘇懷古

吳地山川弔古遊千年宮觀跡難求浣紗人去絃歌
斷響屨廊空夜月愁柳暗長堤烟裊裊草埋香徑鹿
呦呦五湖春水連天濶何處鷓夷泛釣舟

擬謝茂秦無題

佳人獨處不勝愁望遠徘徊自上樓胡蝶雙飛侵客
夢春風一別且貂裘芙蓉帳冷秦箏急鴻雁天低楚
水流荏苒歲華消息斷無邊月露入清秋

擬徐子與都門感舊

再起巖阿到薊門舊遊星散坐傷魂桃花照耀玄都
觀氣色依稀紫禁垣鮑氏玉驄冠蓋盛灞城銅狄歲
年存行逢酒肆情無盡憶昔風流向此論

擬吳明卿行經桃源

洞口溪廻別有天追尋且記太元年幾家少長心無
競異代風光跡杳然徑仄芳林連石岸山幽丹竈靜

宗

春烟秦皇竟不知斯境縹緲空求海上仙

擬子相西來

西來烽火又何如昨日邊庭傳捷書國計當朝誰得
定天顏比歲未全舒九重封賞艱危裡四海凶荒戰
伐餘回首滄洲吾道遠那無衰鬢歎歸歟

夜月有懷神植卿

白露空庭冷薜蘿天邊鴻影度關河武昌夜色南樓
月築海秋風北渚波伏枕綈袍情自切歸家鱸膾興
如何應思杯酒論文地醉裡同為爾汝歌

浪華江子湖契濶二十年一旦對至賦此

遙悼

天涯夢掛舊同盟一別星霜屈指驚落魄他鄉悲往
事河山幾處動離情唯知短髮偕垂老豈料重泉忽
隔生何日弔君披宿草臨風西望淚縱橫

古城春望

塹柵荒涼彼一時地形猶見繞餘基野花留色空無
主流水傳聲欲報誰隴麥漸經春雨秀棲鳥未定夕
陽遲古來負險成何業唯有烈蘇躑躅悲

春夜雪後奉懷山縣侯

憶昨歸藩羽北天江湖回首已經年茂陵病色春無

恙剡水寒光夜可憐積雪城頭山突兀長雲塞上雁
聯翩興來偏促遊梁思賦就登樓望皓然

登熱海一碧樓壁有故友莊子謙詩慨然
爲賦

曲浦天開蜃氣長樓高一碧坐微茫雲雷晚激溫泉
窟汐水時蒸熱海鄉故舊前題雙涕淚山川遺跡幾
星霜風濤拍岸聲如哭臨眺憑軒倍斷腸

經美人舊居

燕子空梁自歲年翠樓無復美人憐且看萋草侵香
徑行到荒園咽暗泉琴瑟在牀春寂寂風花對客晚

熱
熱

翩翩尋思往事猶疑夢望斷歸雲渺楚天

客有宦遊不遂爲僧卜隱洛北鞍馬山賦
寄

落魄殘年久誤身勝因斯處竟離塵應思髀肉消鞍
馬更道趺跏宜隱淪雲樹谷幽疑住鬼郊禰祠古近
爲隣誰教孺子傳兵法莫是當時爾輩人

九日泛舟

無邊秋色冷江河縹緲輕舟過白首此生垂釣
好黃花幾處映杯多唯看落木連霜岸且愛閑鷗泛
晚波不管人間佳節至登高誰更倚嗟峨

除夜泊舟

萍蹤千里倚船窻岸響驚濤夜滿江旅泊窮陰情轉
切寒燈短髮影相雙天涯雨雪迷長路夢裡春風入
舊邦曲浦明朝催草色刀頭那得客心降

擬唐人早朝大明宮唱和之作

天門霧散拂仙旌紫禁鏘鏘劍佩聲綵仗映花春色
麗玉階露露曉光清九重宮殿承初日兩省官僚朝
大明聖代瑞祥何所見池頭共和鳳凰鳴

同友人春登吉野山之作

名山春色滿峻嶒芳樹如雲雲幾層無盡落花空寂

幾數聲啼鳥吊丘陵翠華影沒迴幽壑
緝苑蹤荒掩古藤欲問南朝當日事
烟霞深處有殘僧

藝人有乞其母壽詞者河子慶從更不已

因同諸子遙題嚴島神女祠寄以塞望

層巒鬱起廣陵天帝女祠壇簇紫烟
海上潮擎華表湧蚌中珠照画廊
懸渚清仙鹿遊沙草林靜神鴉下
舸船求藥不歸羸氏使童顏駐得此延年

夢經三閭廟

黯淡山川逐望浮無邊楚色入神遊
暗知祠廟三閭是恍對沅湘萬里流
蕙芷眼迷芳草渚風波跡渺白

雲秋冥凌路遠誰招我一夜魂兮任去留

滕子宥充駿城番衛之役賦此爲別

仙郎祇役歲云秋攬轡山河向駿州
開國聖圖傳節制外臺雄鎮擁貔貅
但應豐沛誇名族更見雲霄壯宦遊
大嶽不違顏咫尺賦成佳色滿城頭

秋晚郊居

投跡蓬蒿愜野情田間亦見歲功成
園林改色秋將盡橘柚含耳霜自清
幾畝禾收携婦子何村社會有逢迎
但言樛散從吾拙袒褐應須老偶耕

和神門越公病中見寄懷之作

蘇門何用掛冠高，咫尺塵喧伏枕逃。但道交遊踈紱，
冕卻憐寒素守蓬蒿。囊中藥物還君技，病裡詩箋屬
我曹。行散更知生起色，御溝秋滿引江濤。

冬初林士灌田莊新成與諸子集分韻尤
字

故人新築倚林丘，筆戶茅檐事事幽。避世琴書唯自
靜，卜隣籬落與誰遊。徑開霜草經秋盡，客至郊烟對
酒浮。操作有妻俱隱好，歲寒應擁伯鸞裘。

孤松臺避雨

高臺獨樹鬱相承，翠蓋亭亭擁幾層。白鶴栖迷雲自

密，蒼龍鱗起雨將騰。忽思秦政封東嶽，且擬周文倚
北陵。正好期晴避沾濕，暫時軒檻此堪憑。

城門雪望

寧將高臥比袁安，乘興行吟溝水干。九陌他時塵藹
藹，千門此日雪漫漫。城頭氣色丹霞盡，天上樓臺白
玉寒。應是才人撥簾處，燼峰還入漢宮看。

歲晚送窮得真韻二首

四壁風霜一腐儒，室中何物混妻孥。幾時使我同顏
巷，到處從他是阮途。形影暗乘寒賤動，空虛聊與歲
華徂。向來寧道非知己，把酒殷勤餞坐隅。

生齋薄夜恍踟躕坐傍燈光跡有無不怪飄零人棄
我應緣去住汝爲徒家留酒債流年盡道避錢神畫
地趨寄語他時思舊主回車重問此生孤

同友人送南海道巡檢使之作

使節高臨鵬海潮更懸南斗傍星輶豈逢山澤龍蛇
伏行望春天瘴氣消五等封疆無彼此六州民俗美
風謠隔崖越邑知何處爲報中原有聖朝

送守伯亨歸省濃州

憶爾辭親遊學年擇隣何用作三遷通家世見文章
美舊社盟存膠漆堅此日刀環酬陟屺幾時桑梓入

遙天彩衣行映關山路更與才華好競鮮

擬唐人主第應制之作

御遊朝駐六龍車簫管紛紛鳳女家簾外峰巒連黛
色樓中錦綺散紅霞芳林苑裡鷓行度綠水池頭鵲
影斜美景良辰樂無極共看宸藻鬪春華

中秋送別

離歌響起大江潮掛席長空風色驕明月有珠鮫室
近孤雲無跡客程遙鱸魚膾美遊堪倦桂樹叢深隱
可招奈爾將歸興不淺南樓秋冷倚良宵

題仙人騎白鹿圖爲安清甫四十壽詞

卷之八十四
二四
客雲裝發洞中，駕言馳汝海天東。但憐霜雪毛偏
潔，莫是崑崙使始通。馴養共修清府術，從容常傍禁
珠宮。豈唯仙餌餘芝髓，別有菖蒲自作叢。

奉和樂山公子闕下望紅葉山之作

鵷班朝罷玉墀頭，仰止靈山隔御溝。昭穆萬年供日
祭，衣冠何處作神遊。寢園珠樹星霜古，內殿朱甍氣
色浮。賦就知堪比，周頌漢家宗室本風流。

酬友人早春東海道中見懷之作

關山春至雪纔殘，知爾憑凌旅服單。客路新年嗟契
濶，各天今日報平安。芙蓉背指三河地，滄海環迴七

里灘。但道良朋永不得，啼鶯何處傍征鞍。

送矢田部大夫從

東轍王駕道，信中西上

去矣梁園作賦餘，天涯風色傍長裾。山川自美岐岨
邠，應接頻停帝子車。古驛溪迴巖溜激，前程棧掛岫
雲踈。莫言行路難如此，附鳳何妨上紫虛。

五日登高

躡閣高臨綠水洲，午天雲散意悠悠。千年賦筆傳哀
郢，此日江湖競泛舟。臂上絲絲徒老病，樽前翠髮奈
窮愁。但應延眺酬佳節，潦倒堪披五月裘。

詠雙白兔

清虛府裡舊仙官一謫人間欲返難
柳絮毛輕翮競走珊瑚眼轉屹相看
此身何比嫦娥寡並影還疑霜雪寒
玉杵唯應手同色幾年天上擣神丹

荅僧某秋夜宿石山寺見懷之作

琵琶海上古祇林杖錫隨緣一夜心
詞藻昔傳名媛麗湖山今入老僧吟
怪巖高捧樓臺起積水遙含兜率深
應不堪思玄度切清秋風月奈幽襟

人日白貴墅集限東韻

一畝蒿萊白貴宮丘園幽興此相同
且逢人日春纔

至况復仙霞酒不空淑氣已歸郊
草色衡門深避市塵紅菜羹非是煩
供給花下成蹊好再通

舟泊湖中竺嶼上妙音宮作

洞庭秋冷白雲空一片峰巒積水中
南北星纏連巨浸湖天月色落孤篷
征人遠寄琵琶怨賦客長傳神女工
半夜風濤聽自好妙音無盡滿龍宮

者山師裝先人所草觀音大士普門諸相粉本藏之少林院爲贈

石室投來鎖普門喜師千歲意偏存
緣看妙相無量現始信威神如是尊
咫尺人天齊有色縱橫水墨自

成痕但言慈海悠悠大使我追思顧復恩

山中女僧

阿夷偏喜此身閑
松路巖扃斷往還
梵宇住來拋粉黛
貝經繙罷浣潺湲
豈應寒谷期鳴律
遮莫春風不駐顏
何物裊從前岫出
無端憶昨綠雲鬟

踏海集卷之四

